



Monumento na honor di nos heroenan di II Guerra Mundial



ORANJESTAD – Ayera tabata un dia inolvidabel pa nos veteranonan di II Guerra Mundial. Porfin nan accion heroico a ser honra dor di e desvelo di un monumento masha significativo pa Schutter y VKA ariba e plaza cu for di awe padilanti ta carga e nomber di: Plaza Defensornan di Aruba, situa tegenover di Beth Israel Synagogue na Adriaan Lacle Boulevard. Pa mas informacion lesa pagina A/9.

Ayera tardi

Monumento na honor di nos heroenan di II Guerra Mundial a ser desvela ariba Plaza Defensor



ORANJESTAD — Ayera tabata un dia inolvidabel pa nos veteranonan di II Guerra Mundial. Porfin nan accion heroico a ser honra dor di e desvelo di un monumento masha significativo pa Schutter y VKA ariba e plaza cu for di awe padilanti ta carga e nomber di: Plaza Defensornan di Aruba, situa tegenover di Beth Israel Synagogue na Adriaan Lacle Boulevard.

Eobra aki ta un reconocimiento cu gobierno di Aruba na nomber di nos pueblo ta haci na tur veterano di guerra cu a sacrifica nan bida pa defende nos pais y nos madre patria Hulanda, durante II Guerra Mundial.

E inkietud aki pa honra nan a ser oficialisa ayera danki na e perseverancia di minister di Labor, Cultura y Deporte, sr. Ramon Lee kende a pone tur esfuerso pa duna honor

na nos heroenan di II Guerra Mundial.

Den cuadro di e acto protocolario aki, presidente di Stichting Herdenking Schutterij Aruba, sr. Enrico Emerencia a bin cu palabranan di gradicimento publico pa e reconocimiento oficial aki. E acto di desvelo a ser oficialisa pa ex-VKA, sr. Jose Dania y ex-Schutter, sr. Felipe Erasmus.

